

「國家社會科學基金重大項目」

何建明

主編

中國地方志
佛道教文獻匯纂

人物卷

(101)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛教教文獻匯纂

人物卷

（101）

國家圖書館出版社

中國地方志佛道教文獻匯纂·人物卷

湖南省 郴州市

桂陽先賢畫贊

吳·張勝撰 據北京圖書館出版社
一九九七年《漢唐方志輯佚》排印

桂陽先賢畫贊

又名《桂陽先賢傳》，吳張勝撰。勝，吳左中郎。《隋書·經籍志》：《桂陽先賢書贊》一卷，吳左中郎張勝撰。（姚振宗考證，書贊當作畫贊）。《太平御覽經史圖書綱目》：《桂陽先賢傳》。按，桂陽郡，漢置，治郴縣，即今湖南郴州。

蘇統嘗除門廷，有衆賓來，統告母曰，人招統去。已種藥著後園梅樹下，可治百疾。一葉愈一人，賣此藥過，足供養。（《類聚》卷六五園。《御覽》卷九八四藥所引稍異）

武丁能達鳥語，爲郡主簿，與衆人皆坐。丁偶聞鳴雀而笑曰：『東市輦粟車覆，相呼與食。』遣視，果然。（《書鈔》卷七三主簿、《類聚》卷八五粟、《御覽》卷八四〇粟）

成武丁以疾而終，殮畢。其友從臨武縣來，至郡道，與武丁相逢。友曰：『子欲何之，而不將人！』答曰：『今吾南游爲過，報小兒善護大刀。』到其門，見其妻哭泣。問之，答曰：『夫沒』。友大驚。曰：『吾適與相逢。』

乃發棺視，了無所見。遂除縗經，而心喪之。咸以武丁得神仙。（《御覽》卷三四五刀）

中國地方志佛道教文獻匯纂·人物卷
湖南省 郴州市

安仁縣志

清·侯鈴修 歐陽厚均纂

清嘉慶二十四年（一八一九）刻本

仙釋

宋
無疾

元

袁管轄字國霞崇真觀道士也精法術能致雷雨時
郡大旱太守召致設壇得大雨郡人異之太守贈
詩以歸凡爲符篆驅邪降鬼多有應驗其他變幻
闔閭術數神妙時疑其仙

舊志

明

德昌益相盧氏子初祝髮惠日寺戒行清潔超悟禪

卷之十四

二

旨淵流宗之嘗開建宜陽金山寺築小室閉門誦經不聞外事年七十復歸本寺不火食者數月忽一日召法弟德榮授以妙諦卽示滅

舊志

本朝

淨訥號且拙王氏子七歲失母十一歲入寺觀古佛發感悟出家投東林寺僧石庵後參巾紫峯僧無學一日跌坐夢金人登座授大赤色僧伽黎方披搭忽聞語曰汝已得戒須奉行遂醒心徹靈悟七日夜不交眠次參竝山僧瑞白瑞印以法告之

常寧大巖山著有語錄刻有法華楞嚴等經註及

原宗辨

志

僧紫霞明末翰林也絕意仕進披剃養蓮庵著草書
得之者珍若拱璧時稱爲紫霞草

僧佑正波剌東山庵終日危坐托鉢城中悟禪學歷
名山至曹溪慕六祖道場謁方丈不見作偈以贈
之曰昔日洞庭湖底月今朝還見故人心階前幸
有桃和李容我同占一樣春方丈見之與談釋典
皆成妙諦

身仁集
僧如性祝髮石門寺清淨自持好趺坐面壁詩偈亦

多超致邑人稱爲如如禪師

以上周準仁舉

盧時可 國初諸生有文名往往作出世想中歲游

南嶽家人跡之不可得忽與同學友遇於迴鴈峯

麓云訪師之師至此將仍歸於嶽依吾師耳友以

歲試拉入場學使拔冠優等署其卷曰仙筆比招

覆而時可已杳然去矣友歸語其姪宏謀裏糧訪

之仍不可得偶遇於嶽之某庵北至而素饌已具

曰吾固知汝來也談次多元解臨別拔庵後草授

姪曰來春鄉多疫可持此療人然不可受謝謝則
不驗也後有竊以市人者遂不驗姪乃取其餘盡
煎服之壽至百有餘歲亦不知所終

盧弓舉

中國地方志佛道教文獻匯纂·人物卷
湖南省 郴州市

安仁縣志

清·張景垣修 張鵬 侯材驥纂
清同治八年（一八六九）刻本

仙釋

宋

無攷

元

袁管轄字國霞崇真觀道士也精法術能致雷雨時郡
大旱大守召致設壇得大雨郡人異之大守贈詩以
歸凡爲符篆驅邪降鬼多有應驗其他變幻闔闢術
數神妙時疑其仙

舊志

明

德昌益相盧氏平初祝髮惠日寺戒行清潔超悟禪旨
緇流宗之嘗開建宜陽金山寺築小室閉門誦經不

聞外事年七十復歸本寺不火食者數月忽一日召

法弟德榮授以妙諦卽示滅

舊志

本朝

淨訥號且拙王氏子七歲失母十一歲入寺觀占佛像

感悟出家投東林寺僧石庵後參巾紫峯僧無學一

日趺坐夢金人登座授大赤色僧伽黎方披搭忽聞

語曰汝已得戒須奉行遂醒心徹靈悟七日夜不交

睫次參竝山僧瑞白瑞印以法偈卓錫常宿大義山

著有語錄刻有法華楞嚴等經註及原宗辨謬

郡志

僧紫霞明末宦裔也絕意仕進剝養運庵善草書得

之者珍若拱璧時稱爲紫霞草

僧佑正披荆東山庵終日危坐托鉢城中悟禪學歷名山至曹溪慕六祖道場謁方丈不見作偈以貽之曰
昔日洞庭湖底月今朝還見故人心
階前幸有桃和李容我同占一樣春
方丈見之與談釋典皆成妙諦
偕如性祝髮石門寺清淨自持好趺坐面壁詩偈亦多
超致邑人稱爲如如禪師

盧時可 國初諸生有文名往往作出世想中歲遊南
嶽家人跡之不可得忽與同學友遇於迴雁峯麓云
訪師之歸至此將仍歸於嶽依吾師耳友以歲試拉

入場學使拔冠優等署其卷曰仙筆比招覆而時可
已杳然去矣友歸語其姪安謂襄糧訪之仍不可得
偶過於嶽之某庵比至而素饌已具曰吾固知汝來
也談次多元解臨別拔庵後草授姪曰來春洲多疫
可持此療人然不可受謝謝則不驗也後有竊以市
人者遂不驗姪乃取其餘盡煎服之壽至百有餘歲
亦不知所終

以上據嘉慶己卯志登載

僧廣仁割度仙人菴能詩文久教僧俗以醫術濟人割
田爲兄承祀遠近咸稱羨之

劉青黎舉

段步塘老道人也善驅魔療病並祈禱諸事遠近屢驗
嘉慶十八年大旱前令賈聘請禱雨豎旛建醮限第
三日雨降及期果驗所豎布旛風中自結五爪金龍
至今猶在家壇段麟之舉

王良三道人千乘之子生平未讀書忽一旦陰渡通曉
文字交鬼神除妖怪無不立驗年八十餘卒李爲棟

歐陽遠思幼入元門恪守道範尊賢重士恤孤憐貧家

祠捐租配享本支捐租成會年九旬尙贊神明無疾
而終樊呈秀舉

僧聿修郎庠生李際隆幼因疾出家普明菴依能澈師